


TORITENY - ALAHADY faha-28 TSOTRA - TAONA D



“Mitsangàna, ary mandehàna, fa ny finoanao no nahavonjy anao”.

Ry Kristianina havana ao anatin’ny volana oktobra izay hibanjinantsika manokana ny maha misionera antsika sy ny maha iraka antsika isika, Vita batemy aho ka hirahina ho vavolombelona eo anivon’ny mpiara-belona. Ny volana oktobra hibanjinantsika koa amin’ny alalan’ny fanaovana ny raozery ny misterin’ny famonjena antsika hiarahana amin’i Masina Maria. Izany no maha misionera antsika, manorina EOY sy ETA ka manitatra ny fanjakan’Andriamanitra amin’ny alalan’ny fitoriana ny vaovao mahafaly ka mahatonga antsika Kristianin ho Kristy mpiara-belona amin’ireo manodidina antsika ka ho génération mpanorina tokoa isika. Amin’izao ady sady dia mitondra antsika amin’ny fankalazana ny Kongresy Eokarisitka sy ny faha-100 taona amin’izao Taona Masina izao dia ezaka

Vakiteny I : 2 Mpanj. 5, 14-17

Salamo : Sal. 97

Vakiteny II : 2 Tim. 2, 8-13

Evanjely : Lk. 17, 11-19

iarahana manao ary indrindra ataon’ny tsiraray no mameno IREO SAJOA, SINY SAOTA, ENINA. Maherezà àry isika amin’ny ady amin’ny ratsy mety misakana ny dià.

Ny vakiteny amin’izao Alahady faha 28 tsotra mandavantaona izao dia mampahatsiahy antsika fa ny finoana dia hampifanarahana amin’ny fiainana andavanandro.

Ireo vakiteny telo dia milaza amintsika fa fanomezan’Andriamanitra ny finoana ary mila ezaka avy amintsika ny fandraisana ny fanomezany sy hiainantsika izany. Tena zava-dehibe ny ezaka antaontsika satria io no hanehoantsika fa eo anivontsika Andriamanitra. Raha manao ny asan’Andriamanitra isika dia Andriamanitra manao ny asantsika.

Voalaza izany ao amin'ny vakiteny voalohany boky faharoa ny mpanjaka, mitantara an'i Naamana izay tratran'ny aretin-koditra ny habokana ka nahatonga azy nisalasala raha voahiraky ny mpaminany izy hididitra impito ao anatin'ny rano, nisalasala izy nefa raha nanantanteraka izy dia niova ny vatany, niova ny hoditra, tahaka ny hoditry ny zazakely izy. *"Tamin'izany andro izany, i Naamàna sirianina nidina ka nisitrika impito tao Jordany araka ny tenin'i Elisea olon'Andriamanitra, ary tonga toy ny nofon-jazakely indray ny nofony ka nadio izy"* Mety manotana koa isika inona marina ity Sajoa saota, Siny enina fenoina ampanaovan'I Mgr. Hitantsika fa raha mahatanteraka io ezaka isika tsirairay ary miaraka dia hiova tokoa ny fiainantsika.

Tian'ny evanjely asongadina ihany koa fa raha vao sitrana ireo tratry ny aretin-koditra, folo izy ireo dia anankiray no niverina nahatsiaro an'Andriamanitra. Ny tian'ireo vakiteny asongandina, fampianarana fototra dia ny maha iraka antsika ka hirosoantsika lalindalina kokoa amin'ny maha EOY antsika ka mitondra antsika amin'ny fankalazana ny kongresy eokaristika, mahatonga antsika hankalaza ny faha 100 taona ny AFAFI. Voalaza amin'ny evanjely fa folo no sitrana fa iray no niverina nisaotra an'I Jesoa. Mahaiza isika mankasitraka an'ireo fahasoavana omen'Andriamanitra antsika.

Fampianarana telo no tiako hifampizarana amintsika

Ny voalohany, hita fa voasedra tokoa ny finoan'I Naamana ary zavatra tsy nampoiziny no niangaviana azy. Matetika koa isika dia tahaka izany eo amin'ny fiainantsika andavanandro, misy zavatra tsotra iangavian'Andriamanitra antsika nefa heverintsika tsinona izany ka mikatsaka zavatra sarotra isika. Ireo boka folo lahy nifanena tamin'I Jesoa fa indrindra ilay vahiny, nolazain'I Jesoa hoe mandehana ianareo manao fankasitrahana fa tanteraka aminareo izay nirinareo. Raha maharitra amin'ny finoana isika, raha hivelomantsika ny finoana, raha mahatoky ny famindrampon'Andriamanitra isika, ny famonjen'Andriamanitra dia miova ny fiainantsika. Matoa tsy miova ny fiainantsika dia satria tsy mahatoky an'andriamanitra isika, ary tsy mahatoky ny sakramenta nomen'ny Eglizy antsika. Matetika isika mivezivezy etsy sy eroa mitady Andriamaninkafa, maro ny habokana mikiky antsika amin'izao andro iainantsika izao, maro ny mamparary, maro ny aretina amin'ny fiainantsika, marary ny fiaraha-monina misy antsika ka mila mikatsaka bebe kokoa fiombonana sy ny fiverenana amin'Andriamanitra isika, izany no voalazan'ny evanjely *"Ary ny anankiray tamin'ireny, rehefa nahita fa sitrana izy, dia niverina ka nankalaza an'Andriamanitra tamin'ny feo mahery. Niankohoka tamin'ny tongotr'i Jesoa izy, dia nisaotra Azy"*. Raha te ho sitrana isika amin'ny aretina mikiky antsika dia aoka hiverina amin'Andriamanitra fa indrindra amin'ny maha misionera antsika vita batemy aho ka irahina, aoka hanampy ny olona hiverina amin'Andriamanitra. Ny Eglizy reny manoro antsika sy mampianantra antsika, lehibe ny famindrampon'Andriamanitra. Ry kristianina havana, aoka àry hanantona ny famindrampon'andriamanitra isika, henoy ny tenin'Andriamanitra ary ampiharo amin'ny fiainantsika, raha ampiarintsika tokoa ny tenin'Andriamanitra dia miova ny fiainantsika.

Ny faharoa dia fantaro fa folo ireo nositratin'i Jesoa nefa iray ihany no nahatsiaro nankasitraka noho ny fahasoavana azony, isika koa ve mba mahatsiaro misaotra an'Andriamanitra?

Lay vahiny tsy nahazo ny dikany fahasoavana azony no niverina nisaotra sy niankohoka tamin'I Jesoa, samaritana izy. Aoka isika hahay hankasitraka an'Andriamanitra fa indrindra amin'izao fidirantsika amin'ny taom-pahasoavana ny misionera ka hankalazantsika ny kongresy eokaristika, aoka isika hahatsiaro fa tian'andriamanitra isika. Raha dinihintsika ny FET dia eto amin'ny

diosezintsika no zandriny indrindra nefa eto amintsika Antsiranana no voafidin'ireo tompon'andraikitra hankalazana ny faha 100 taona, ny fankasitrahana tsara indrindra dia ny hiverenantsika amin'I Jesoa, miainga avy amin'I Jesoa ka hitondra ny vaovao mahafaly amin'ny manodidina antsika. Maro ny mety ho fahasoavana voaraintsika amin'izao fankalazana ny kongresy izao. Aoka isika indrindra koa amin'ny volan'ny raozery izao hahay handray ny tenin'Andriamanitra tahaka an'I Masina Maria ka hizara azy amin'ireo manodidina antsika. Tahaka ny nizaran'I Masina Maria tamin'I Elizabeta rahavaviny. Ry Kristianina havana mila vavolombelona, mila misionara izao androntsika izao.

Ny fahatelo dia miainga amin'ny vakiteny faharoa amin'izao Alahady faha 28 mandavantaona izao dia tsy inona fa ny taratasy I Md Paoly ho an'I Kristianina ho an'i Timote. Efa Alahady maromaro isika no namaky ny taratasy ho an'i Timote, manafatra antsika I Md Paoly androany hanana faharetana eo amin'ny fiainantsika ny finoana. Nisy nanontany ahoana ny hahafantarana fa velona ny finoana ? Toetra anankiray azo amantarana na kriterana hahazana fa velona ny finoana dia ny faharetana ananantsika. Eo koa ny fanompoana izay voalazantsika tamin'ny Alahady lasa teo. Raha manana faharetana isika amin'izay rehetra ataontsika, amin'ny vavaka, amin'ny fandalinam-pinoana ka hahatonga antsika ho tena katolika marina tokoa, finoana mifototra amin'ny tena marina tokoa ny iainantsika, ny maha katolika antsika dia mila faharetana ihany koa, isika mirotsaka amin'ny fikambanana masina, hahafantarana ny finoana velona koa izany. Ampirisihina isika hiditra amin'ny fikambanana fa indrindra ny tanora. Matetika rehefa manao tatitra amin'ny mandritra ny famangiana pastoraly dia hita fa tsy maharitra isika nefa mila faharetana ny finoana velona. Toy izany koa ny fikatrohana amin'ny vaomieran'asa isankarazany. Toy izany koa ny fandraisana antanana ny eglizintsika, mba hitohy lalandava ao anatin'ny faharetana. Ny amin'ny fankalazana ataontsika koa, ny fandraisantsika ny sakramenta fa indrindra ny eokaristia mba hanana ny faharetana isika. Araka ny fananarana ataon'I Md Paoly “ *Raha miara-maty aminy isika, dia hiara-belona aminy koa; raha miaritra isika, dia hiara-manjaka aminy; raha mandà Azy isika, dia lzy koa handà antsika; raha mivadika isika, lzy tsy mivadika na oviana na oviana, fa tsy mahazo mandà ny Tenany lzy*”. Mampahatsiaro antsika ny sasinkira fataontsika amin'ny salamo faha 30 “Fantatro ilay nametrahako ny fitokisako dia I Kristy ilay tsy mivadika mandrakizay”. Aoka isika ho vonona hanompo anatin'ny faharetana.

Ry Jesoa Tompo ô misaotra anao tokoa izahay, tsy mitsahatra ianao manadio ny fo amam-panahinay mba ho masom-pinoana ny maso hijerenay ny manodidina ka hahatonga anay ho Kristy mpiara-belona eo amin'ny manodidina anay. Ampio izahay hanana finoana velona hahafahanay hanompo, hampanjaka ny rariny sy ny hitsiny ary ao anatin'ny faharetana satria izany no azahoanay ny tena famonjena ka hahatonga anay tokoa ho Eglizy Olona Velona hanitatra ny fanjakan'Andriamanitra ka manorina ny Eglizy Tranon'Andriamanitra ka ho zary génération mpanorina tokoa izahay. Ianao ry Jesoa no hanjaka amin'ny fiainanay ka ho ao aminay ny tena fiadanana ka hitondra fanantenana amin'ny manodidina anay izahay. Amen